

建寧府志卷之三十八

人物

隱逸

唐

池繁禧崇安人仕至五大夫五季之亂隱不復出  
歲歉出粟賑民鄉閭德之爲立廟

五代

柳崇字子高崇安人其先世由河東來居金鷲峯  
遂爲五夫里人崇以儒學著名值季世終身御

建寧府志

卷之三十八

隱逸

一

二百二十八  
應

布衣稱處士王延政據建州召補沙縣丞不就  
逮入宋以子貴當受官戒其子曰不可以奏請  
奪吾志疾革遺命諸子毋得以浮屠法灰吾身  
後累贈尚書工部侍郎子宜累贈尚書工部侍  
郎宣仕至大理司直寘宏並登進士第察仕至  
檢校尚書水部員外郎

宋

丘濬字思道建安人精於曆數絕意榮達嘗爲感  
事詩百首辭多譏諷執政欲誅之仁宗曰狂夫

之言聖人擇焉遂薄其罪又嘗著長世論五十  
篇言用兵利害龍圖學士田瑜進之詔除萬年  
縣主簿不赴郡守表其居爲處士坊

詹本字道生建安人高抗不仕江萬里薦爲郎先  
致書於本本方坐門外石磯垂釣使者至問本  
居本給曰在前卽持竿渡溪去不知所終

葉夢鱣建安人應聘赴臨安少帝北行遂隱西甌  
以講學爲事

童參甌寧人性淳朴隱於耕仁宗元年參年百有

建寧府志

卷之三十八

隱逸

二

二百九十七  
應

二歲賜勅慰勞云古者天子巡狩方岳之下問  
百年者就見之而絳縣役老趙武謫其輿尉今  
汝黃髮駘背以上壽聞其可使與編氓齒乎授  
承務郎逾年卒子珪登進士授承奉郎清遠縣  
主簿

黃淼字心水甌寧人父駟嘗爲吏部員外郎淼通  
諸經子史百家皆精詣景定間與鄉薦宋亡不  
仕隱居天湖山築室數椽周遍植栢每愧不能  
如夷齊之餓死所著有正一齋集

童成大字元偉號松壑甌寧人宋季不仕以醫術  
活其鄉人謝枋得入閩過其家作歌贈之所著  
有松壑集

熊知至字意誠建陽人哀四世孫博學工詩天聖  
中五舉不第歸隱鰲峯有鰲峯隱人集劉文簡  
贊之曰鄉言善士世號儒宗止而不第歸隱鰲  
峯研精蠹簡彈拊絲桐愧無永鑑誰識卧龍  
熊蕃字叔茂建陽人事母孝善屬文不復應舉築  
堂名獨善人稱獨善先生嘗考正茶錄別其品

建寧府志

卷之卅八

隱逸

三

三百七  
應

第又爲製茶十詠有文稿三卷

詹先野字景舒崇安人博通子史天聖四年領鄉  
薦繼應賢良竟不仕隱居廩江之濱每嘯詠武  
彝山水間終日忘歸

劉元振字君式崇安人滋之子少沉静有器識季  
父中散大夫當任子將屬元振元振辭與其弟  
貺弱冠遊太學持身有禮衆敬憚之國子先生  
呂大臨游酢皆與友善元豐中士子方尚文萃  
元振獨沉涵載籍深造義禮以是不合於有司

遂歸篤志養親放情泉石卒于家

衷謙字彥先崇安人建中靖國間耕隱於縣之黃洋原結玉泉庵以居有時人不識田園樂只羨相如駟馬車之句

江贄字叔圭崇安人初遊上庠與龔深之並以易學著名後歸隱里中閉門著書遭父喪廬墓終制政和中太史奏少微星見有旨舉遺逸邑宰陳難親詣其廬聘以殊禮復以詩勉其行凡三聘不起賜號少微先生陳難立少微坊以旌之所著有通鑑詳節行於世

建寧府志

卷之

隱逸

四

三百  
應

劉甫字獄卿崇安人衡子事親至孝武彝山北有水廉洞其棲隱處也劉珙將奏以官甫不願朱熹與蔡元定每過其廬惟相與講義理不及利祿嘗約熹結廬居武彝未幾卒熹以詩哭之曰曾說幽棲地君家近接連欲携邀月酒同棹釣魚船遽爾悲聞笛真成嘆絕絃林猿催老淚爲爾亦潛然

游中孚字大信崇安人博文強識叅政李莊簡元

知宣州會李成擁衆攻城議遣官求援於人□  
岳飛道路阻絕寮屬皆憚往公時爲莊簡客□  
然請行挾十騎由間道走太平見飛與飲公屢  
起請飛曰公姑飲援兵已至竟陵矣圍遂解事  
平莊簡欲請於朝命之以官中孚力辭竟不仕  
張彝憲字季常浦城人博學多聞三與計偕不利  
由是絕意功名放懷林壑咸平初楊億解郡趨  
朝凡兩造其居因贈以詩朱熹復爲之序子泌  
官至刑部尚書

建寧府志

卷之三十八

隱逸

五

一百九十  
應

眞山民浦城人德秀從孫入元不仕善吟咏格調  
奇峭在放翁臯羽間名字不傳人但以山民呼  
之

謝安時字尚可政和人博通經傳援筆成文崇寧  
大觀以文行兩優貢入辟雍謁告歸復與鄉薦  
靖康之變携家隱西坑別野庭植三桂號桂堂  
居士後以累舉得官卒不拜終于家

蔣粹翁政和人聰明強記宋末爲太學生宋亡隱  
於滿月山

元

江應隆自號菊隱建安人求學於謝疊山疊山字之曰仲龍蓋取孔明長笑隆中而時人以伏龍待之

周震一建安人家在城府不妄交一人謝疊山枋得客建寧震一獨與相厚疊山稱其忠厚篤敬言不妄發行不妄動翛然出塵埃之外而可與神游入極之表子持敬亦修真慕道爲疊山所稱

建寧府志

卷之三十八

隱逸

六

二百七十三  
應

朱沂字泳道建陽人文公三世孫累薦遺逸不赴與謝枋得游枋得稱其論古今人物高下國家興廢善類仕止久速之故掃盡華葉獨存根株文公之後濟其美者泳道一人耳晚歲授考亭書院山長

趙若字順之崇安人號澗邊蒙古夕丞相入閩一見噐重薦授同安縣尹不就隱於家有園池亭榭之勝以供嘯咏高丞相開閩省三使人來聘皆不就長於詩尤工長短句年六十四終有澗

□集二十卷

游應翔字子善崇安人酢七世孫也值宋元兵革未靖結屋武夷澄川之上畊隱自晦人稱其操履端方無愧先世後繇武夷直學遷學正

藍山字靜之崇安人世居武夷山南恬退不仕與弟智學詩於清江杜本慕林逋仙之爲人杖履武夷遍跡諸峯至其會心放飲酣歌徘徊累日後辟爲武夷山長遷邵武尉不赴有藍集四卷彭炳字元亮崇安人嘗遊齊秦間駙馬烏谷孫以

建寧府志

卷之三十八

隱逸

七

二百九十八  
應

師禮事之至正十一年徵爲端本堂說書不起善作詩體效陶柳有集一卷

張以仁政和人元季隱築蓮花峯下與魏伯堅謝坤孫蘊余應相友善旦夜講論經史至忘饑渴從俱以文行知名而以仁伯堅隱居不仕卒

明

雷境字彥達建安人幼孤事母至孝究心經史家貧至無以自給永樂初有司以孝廉薦固辭乞歸絕跡城市鄉人從其學者數十人皆舉進士

第稱之曰慎齋先生所著有閑居叢藁子鏤口  
江僉事

蘇鉦字良聲建安人伯厚從子喜積善工吟咏善  
楷書寫石竹花木山水皆極其妙閉門終日不  
干世事一時隱逸有才行者必稱鉦云卒年七  
十有九號竹坡所著有竹坡集藁二十卷藏於  
家

劉楫字汝濟建安人嘉靖丙辰饑捐粟賑濟脫妻  
簪珥施棺郡守扁其尚義丁巳歲邊儲匱急奉

建寧府志

卷之三十八

隱逸

八

一百八十  
應

詔輸粟萬石都御史上之授指揮僉事三請鄉  
飲堅辭不赴隱紫芝山房置古今名物法書圖  
畫自逸

謝宮錦字珂臣甌寧學生博學能文屢試皆高等  
大兵抵郡隱居石屏山中督學閔度素聞宮錦  
名促令見宮錦自陳病困不出度卒全其志著  
有槩山集髮草等書

張羸字惟貞浦城人初習舉子業旋棄去之山中  
日讀周易老子書號半犁子遊建業攬六朝遺

蹟徘徊感慨翛然有冲舉之想嘗飲得酒□□  
趣著飲書以擬酒經一日送吳中立北上出□  
遊詩示之曰將歸矣時羸尚無恙至歲暮省親  
嗚咽曰不復侍顏色矣既抵山自爲挽詩墓銘  
手稿類封一篋端坐而逝所著有木鷄詩話蜉  
蝥羽九牛毛集

陳有祚字永錫松溪人天啓甲子舉于鄉大兵入  
建寧一夕棄家去久之友人遇於浙曰來日於  
此訪我友人如期往則見酒饌甚備促膝宴言

建寧府志

卷之三十八

隱逸

九

二百九十二  
應

都饒雲霞氣友人知其有所遇也詰旦往謝之  
則已不知其所往矣

丁同字彥仁政和人事親盡孝永樂間以楷書薦  
辭不就晦跡林下不妄出入學者稱爲白雲先  
生所著有魯鈍集

林順字孝從政和人弱冠爲鄉校師學者多所造  
就永樂間知縣黃裳舉孝廉吳朝宗舉楷書皆  
不就年八十卒

余畝字希尹政和人性凝重蚤喪父奉母以居刻

苦讀書作詩文有古意永樂間邑以楷書薦知  
府芮麟試其字畝書遊子吟復之拂袖而歸

建寧府志

卷之三十八

隱逸

十

四十四  
應